



UNIVERSITÄTS-  
BIBLIOTHEK  
PADERBORN

**Augusti Buchneri Orationes Panegyricæ**

**Buchner, August**

**Cliviæ, [1668]**

Serenissime Elector.

---

[urn:nbn:de:hbz:466:1-69483](#)

# SERENISSIME ELECTOR.

**S**olvimus inveteratum æs,  
hoc est, Patris optimi, AU-  
GUSTI BUCHNERI, quæ  
inter pretiosissima reliquit,  
submissimæ venerationis pleni  
offerimus. Debemus Tibi, MAXIME  
PRINCIPUM, omnem hunc proventum  
paternum: Tu enim fovisti, Tu ornasti, Tu  
auxisti Virum juxta & Senem Buchnerum,  
tantâ æquanimitate & constantiâ, ut eniti in  
istum eloquentiæ gradum non licuerit spi-  
ranti, nisi principalibus tuis provisionibus le-  
vato. Debemus Patri Tuo, DIVO JO-  
HANNI GEORGIO PRIMO, cui nihil  
gratius acceptiusque nomine Buchneriano  
fuit, quod in Avo, Tormentariæ rei & Fabri-  
carum excellentissimo Praefecto, admiratus,  
in filio amavit unicè. Debemus Patruo  
Tuo, DIVO CHRISTIANO II, qui ado-  
le-

lescentiæ ejus fingendæ formandæque accu-  
 ratissimè prospexit. Sed Tibi præcipuè ta-  
 men, DOMINE, debemus, ad quem unum  
 auctumnitas ista, ut ita loquamur, naturali  
 ordine devoluta tandem est, ut fructus car-  
 peres legeresque, quos Majores Tui serere  
 in Buchnero ad futurum ævum instituerunt.  
 Ita quicquid egregii fortè, & laudem aliquam  
 promeriti [de quo nostrum non est pronun-  
 ciare] in istis inest Panegyricis Orationibus,  
 redit ad Te, SERENISSIME ELECTOR,  
 ex debitō & sponte suā. Eō ardore es in  
 humaniores literas, eā comitate erga has  
 professos, ut inter æstum hunc deprehensus  
 olim demittere Te haud raro infra augustale  
 Tuum culmen, quod regali nihil quicquam  
 cedit, non fueris dignatus. Summorum  
 Imperatorum Cæsarum, Regumque imi-  
 tator tam acer hac in re, quam felix stator.  
 Ne credas igitur, PRINCEPS SAPIEN-  
 TISSIME, fore ullum aliquando tempus,  
 quod nominis immortalis Tui deleat me-  
 moriam, nisi deletos insimul ex annalium  
 vetustissimis monumentis, ex Scriptorum  
 maximorum inviolata fide, adeoque ex ipsis  
 hominum animis ac pectoribus velis Or-  
 pheos, Hercules, Hectoras, Achilles; Nu-

mas Pompilios; Julios item, Augustos, Ti-  
 berios, Claudio, Trajanos, Adrianos, Seve-  
 ros, Constantinos, Theodosios, Carolos,  
 Fridericos; Alfonsos denique, & mille alios  
 eruditos ac summos Principes, cum quibus  
 ut Tu paria facis, DOMINE, in plerisque  
 multis: sic in multis illos transis. Nam  
 quis finem vel cogitando assequatur Tuæ  
 bonitatis? Deo proximi sunt Principes;  
 non truculentiam ac vi: sed justitiam, sed cle-  
 menticam, sed liberalitate. Hoc Tuum est  
 perpetuum ac quotidianum studium, per-  
 didisse Te diem ratus, cum amore illo ge-  
 neris humani, TITO FLAVIO VESPA-  
 SIANO, in quo nihil cuiquam Te præsti-  
 tisse recorderis. Quâ in re testes nos ipsos,  
 ac me cum primis, Christianum Augustum,  
 vocat conscientia, quem clementissimè ac-  
 ceptum semel admittis æquè patientissimè,  
 & patientissimè fers quoque. Ut taceam  
 innumera in me benefacta Tua, de quibus  
 satius fuerit silere secreta adoratione, quam  
 pauca hoc loco dixisse. Quare ad Te re-  
 currimus, CLEMENTISSIME DOMI-  
 NE, Te respicimus, quicquid peragenda-  
 rum rerum nostrarum venit. Solicitatus  
 evocatusque Avus noster, quem diximus,

ab

• 6 •

ab augustissimo Imperatore RUDOLPHO II. nec non potentissimo Daniarum Rege , magnis propositis muneribus ac stipendiis , non avelli potuit à sacratissima domo Tuâ , & Proavo DIVO AUGUSTO , filiisque DIVIS CHRISTIANO I. & II. constantissimè hæsit . Hanc majorum nostrum pietatem ac religionem & nos sanctè tuemur , & tuebimur , dum erimus , Tui futuri , INDVLGENTISSIME PRINCIPVM , quām diu Buchneriano nomini supererit locus . Accipe igitur sereno vultu librum istum , POTENTISSLME ELECTOR , quem ad pedes Tuos deponimus cernui , pignus vigilantiæ paternæ , pignus fidei ac cultus atque obsequii nostri , ejusdemque in Te æterni . Non illi metuimus malè , quia Te vindicem naētus . Quod si iniquis arrodere tamen placuerit , ini- quorum præmia ferent . Poscimus supremum Numen devotissimis mentibus , ut in seros superes annos salvus , integer , pacificus , felix , domusque excelsissima Tua novis subinde aucta incrementis pari magnitudine perstet ad illum usque diem , qui hoc universum hauriet . Interim votum unum nostrum est omnium , DOMINE ,

clemens propitiusque ne desinas esse Buch-  
nerianæ stirpi , in quantum per seculum  
integrum jam Tua Divorumque Majorum  
Tuorum fuit. Sic nos securi agemus sem-  
per , semper lati cum universa magna  
illa parvolorum nostrorum alioquin tan-  
tum non enecatorum turba , Principe  
tām bono,tām benigno,tām  
indulgente usi.



LEC-